


自允恭至雄略

和書門類		二八三九六
函	架	七五
冊		一〇

內閣文庫		二八三九六
冊	架	一〇
函		三七

內閣文庫		
番號	和 28396	
冊數	10 (2)	
函號	137	39



允恭天皇
雄略天皇

安康天皇

日本書紀卷第十三

雄朝津間稚子宿祢天皇

穴穗天皇
安康天皇



雄朝津間稚子宿祢天皇

雄朝津間稚子宿祢天皇瑞齒別天皇同母弟

也。天皇自岐嶷至於総角仁惠儉下及壯薦病

容止不便六年春正月瑞齒別天皇崩爰群

淺草文庫



議之曰方今大鷦鷯天皇之子雄朝津間稚子
宿祢皇子與大草香皇子然雄朝津間稚子宿
祢皇子長之仁孝即選吉日跪上天皇之璽雄
朝津間稚子宿祢皇子謝曰我不天父離薦疾
不能步行且我既欲除病獨非妄言而密破身
治病猶勿差由是先皇責之曰汝患病縱破身
不孝孰甚於茲矣其長生之遂不得繼業亦我
兄二天皇愚我而輕之群卿共所知夫天下皆

大器也帝位者鴻葉也且民之父母斯則聖賢
之職豈下愚之任乎更選賢王宜立矣寡人弗
敢當羣臣再拜言夫帝位不可以久曠天命不
可以謙距今大主留時逆衆不正号位臣等恐
百姓望絕也願大王雖勞猶即天皇位雄朝津
間稚子宿祢皇子曰奉宗廟社稷重事也寡人
薦疾不足以稱猶辞而不聽於是羣臣皆固請
曰臣伏計之大王奉皇祖宗廟最宜稱雖天下

萬民皆以為宜。願大王聽之。

元年冬十有二月。妃忍坂大中姬命苦羣臣之憂吟而親執洗手水。進于皇子前。仍啟之曰。大王辭而不即位。位空之。既經年月。群臣百寮愁之。不知所為。願大王從群望。強即帝位。然皇子不欲聽。而背居不言。於是大中姬命惶之。不知退而侍之。經四五刻。當于此時。季冬之節。風亦烈寒。大中姬所捧鏡水溢而腕凝。不堪寒。以將

死。皇子顧之。驚則扶起。謂之曰。嗣位重事。不得輒就。是以於今不從。然今羣臣之請。事理灼然。何遂謝耶。爰大中姬命仰歡。則謂群卿曰。皇子將聽羣臣之請。今當上天皇璽符。於是羣臣大喜。即日捧天皇之璽符。再拜上焉。皇子曰。群卿共為天下請。寡人寡人。何敢遂辭。乃即帝位。是年也。太歲壬子。

二年春二月丙申朔己酉。立忍坂大中姬為皇

右是日爲皇后定刑部。皇后生木梨輕皇子。名形大娘皇女。境果彥皇子。穴穗天皇。輕大娘皇女。八鈞白彥皇子。大泊瀨稚武天皇。但馬橘大娘皇女。酒見皇女。初皇后隨母在家。獨遊苑中。時鬪雞國造從傍徑行之。乘馬而莅籬。謂皇后嘲之曰。能作園乎。汝者也。此云那鼻苦也且曰。歷乞戶母其蘭。一莖馬。此云異提皇后則採一根蘭。與於乘馬者。因以問曰。何用求蘭耶。乘馬

者對曰。行山撥鱧也。此云摩時皇后結之意。

真乘馬者辭无禮。即謂曰。首也。余不忍矣。是後

皇后登祚之年。覓乘馬乞蘭者。而數昔日之罪。

以欲殺爰乞蘭者。顙搶地叩頭曰。臣之罪實當

萬死。然當其日不知貴者。於是皇后赦死刑。貶

其姓謂稻置。

三年春正月辛酉朔遣使求良醫於新羅。秋八

月醫至自新羅。則令治天皇病。未經幾時病已

差也。天皇歡之。厚賞醫以歸于國。

四年秋九月辛巳朔己丑詔曰上古之治人民

得所姓名勿錯今朕踐祚於茲四年矣上下相

爭百姓不安或誤失已姓或故認高氏其不至

於治者蓋由是也朕雖不賢豈非正其錯乎羣

臣議定奏之群臣皆言陛下舉失正枉而定氏

姓者臣等冒死奏可戊申詔曰羣卿百寮及諸

國造等皆各言或帝皇之裔或異之天降然三

才顯分以來多歷萬歲是以一氏蕃息更為萬

姓難知其實故諸氏姓人等沐浴齋戒各為盟

神探湯則於味檀立之辭禍戶碑坐探湯瓮而

引諸人令赴曰得實則全偽者必官盟神探湯

陀智或或涇納金煮沸攘手探湯溼或燒斧火色置于掌於是諸人各著木

綿手強而赴金探湯則得實者自全不得實者

皆傷是以故詐者愕然之豫退無進自是之後

氏姓自定更無詐人

五年秋七月丙子朔己丑地震。先是命葛城襲津彥之孫玉田宿禰主瑞齒別天皇之殯。則當地震夕遣尾張連吾襲察殯官之消息。時諸人悉聚無闕。唯玉田宿禰無之也。吾襲奏言殯宮大夫玉田宿禰非見殯所。則亦遣吾襲於葛城。令視玉田宿禰。是日玉田宿禰方集男女而酒宴焉。吾襲舉狀具告玉田宿禰。宿禰則畏有事。以馬一匹授吾襲為禮幣。乃密遮吾襲而殺于

或

道路。因以逃隱武内宿禰之墓城。天皇聞之。喚玉田宿禰。宿禰疑之。甲服襖中而參赴。甲端自衣中出之。天皇分明欲知其狀。乃令小墾田采女賜酒于玉田宿禰。爰采女分明瞻衣中有鎧。而具奏于天皇。天皇設兵將殺玉田宿禰。乃密逃出而匿家。天皇更發卒圍玉田家而捕之。乃誅冬十有一月甲戌朔甲申葬瑞齒別天皇于耳原陵。

七年冬十二月壬戌朔ウツケレタラフ于新室ニミヤニ天皇親之撫ミシカラフ琴ウツケタ皇后起儻テ儻タ儻フ既終ニテ而不言ス禮事コト當時風俗於ヒト宴會トヨノカリ儻者ハ儻終則テ自對座長日奉娘子也時天ウツケタ皇謂皇后曰何失常禮也皇后惶之復起儻儻ウツケタ竟言奉娘子シムナチ天皇即問皇后曰所奉娘子者誰タテマシ也欲知姓字セトトカ子ナシ皇后不獲已而奏言妾弟名弟姬ハ焉弟姬容姿絕妙無比其艷色徹衣而晃之是ウツケタ以時人号曰衣通キト即姬也キトトシ天皇之志存于衣通カケタヒリ

即姬故強皇后而進皇后知之不輒言禮事サヤコト爰ハ天皇歡喜則明日遣使者喚弟姬時弟姬隨母テ以在於近江坂田弟姬畏皇后之情而不參向ミヨコス又重七喚猶固辭以不至於是天皇不悅而復テ勅一舍人中臣為賊津使主曰皇后所進之娘ニシキタレ子弟姬喚而不來汝自往之召將弟姬以來必ニシコハ敦賞矣タモヤ下宣爰為賊津使主テオホコトシ美命退之テオホコトシ糝シ褻シ祠ニ中到ニシコハ坂田伏于弟姬庭中言天皇命以召之弟姬對コトシモテ

曰豈非懼天皇之命唯不欲傷皇后之志耳妾
雖身亡不參赴時烏賊津使主對言臣既被天
皇命必召竊來矣若不將來必罪之故返被極
刑寧伏庭而死耳仍經七日伏於庭中與飲食
而不食密食懷中之糲於是弟姬以為妾因皇
右之嫉既拒天皇命且亡君之忠臣是亦妾罪
則從烏賊津使主而來之到倭春日食于櫛井
上弟姬親賜酒于使主慰其意使主即日至京

留弟姬於倭直吾子寵之家復命天皇天皇大
歡之美烏賊津使主而敦寵焉然皇后之色不
平是以勿近宮中則別構殿屋於藤原而居也
適產大泊瀨天皇之夕天皇始幸藤原宮皇后
聞之恨曰妾初自結髮陪於後宮既經多年甚
哉天皇也今妾產之死生相半何故當今夕必
幸藤原乃自出之燒產殿而將死天皇聞之大
驚曰朕過也因慰喻皇后之意焉

八年春二月幸于藤原密察衣通姬之消息是
 夕衣通即姬戀天皇而獨居其不知天皇之臨
 而歌曰和餓勢故餓勾倍枳豫臂奈利佐瑳餓
 泥能區茂能於虛奈比虛豫比辞流辞毛天皇
 聆是歌則有感情而歌之曰佐瑳羅餓多邇之
 枳能臂毛弘等枳舍氣帝阿麻哆絆泥受迹多
 儻比等用能未明且天皇見井傍櫻華而歌之
 曰波那具波辞佐區羅能梅涅許等梅涅麼波

柳區波梅涅猶和我梅豆留古羅皇右聞之且
 大恨也於是衣通即姬奏言妾常近王宮而晝
 夜相續欲視陛下之威儀然皇右則妾之姊也
 因妾以恒恨陛下亦為妾苦是以與離王居而
 欲遠居若皇右嫉意少息歟天皇則更興造官
 室於河内茅渟而衣通即姬令居因此以屢遊
 獵于日根野

九年春二月幸茅渟宮秋八月幸茅渟冬十月

幸菊潭

十年春正月幸菊潭於是皇后奏言妾如毫毛
并嫉弟姬然恐陛下屢幸於菊潭是百姓之苦
仰願宜除車駕之數也是後希有之幸焉
十一年春三月癸卯朔丙午幸於菊潭宮衣通
即姬歌之曰芋虛辭陪邇枳彌母阿閉椰毛異
含讎芋利宇彌能波摩毛能余留等枳芋枳弘
時天皇謂衣通即姬曰是歌不可聆他人皇后

聞必大恨故時人号濱藻謂奈能利曾毛也先
是衣通即姬居于藤原宮時天皇詔大伴室屋
連曰朕項得美麗孃字是皇后母弟也朕心異
愛之莫其名欲傳于後葉奈何室屋連依勅而
奏可則科諸國造等為衣通即姬定藤原部
十四年秋九月癸丑朔甲子天皇獵于淡路嶋
時麋鹿徠猪莫莫紛紛盈于山谷炎起蠅散然
終日以不獲一獸於是獵止以更卜矣嶋神崇

之日不得獸者是我之心也。赤石海底有真珠其珠祠於我則悉當得獸。爰更集處處之白水即以令探赤石海底。海深不能至底。唯有一海人曰男狹磯。是阿波國長邑之海人也。勝於諸海人。是腰繫繩入海底。差頃之出曰。於海底有大鯨。其處光也。諸人皆曰。鳴神所請之珠。殆有是鯨腹乎。亦入探之。爰男狹磯抱大鯨而泛出之。乃息絕以死。浪上既而下繩測海底六十尋。

則割鯨實真珠。有腹中其大如桃子。乃祠鳴神而獵之。多獲獸也。唯悲男狹磯入海死之。則作墓厚葬。其墓猶今存之。

二十三年春三月甲午朔庚子。立木梨輕皇子為太子。容姿佳麗。見者自感。同母妹輕大娘。皇女亦艷妙也。太子恒念合大娘。皇女畏有罪而默之。然感情既盛。殆將至死。爰以為徒非死者。雖有罪。何得忍乎。遂竊通。乃悵懷少息。因以歌。

之曰阿資臂紀能柳摩娜烏免約利柳摩娜箇
 弥斯哆媚烏和之勢志哆那企貳和餓儻勾免
 摩箇哆儻企貳和餓儻勾免摩去儻去曾柳主
 區津娜布例
 二十四年夏六月御膳羹汁凝以作冰天皇異
 之卜其所由卜者曰有内亂蓋親親相妬乎時
 有人曰木梨輕太子妬同母妹輕大娘皇女因
 以推問焉辭既實也太子是為儲君不得罪則

流輕大娘皇女於伊豫是時太子歌之曰於褒
 企彌烏志摩珥波夫利布儻阿摩利異餓幣利
 去牟鋤和餓哆哆泚由瑤去等烏許曾哆多泚
 等異絆梅和餓免摩烏由梅又歌之曰阿摩儻
 霧箇留悅等賣異哆儻介麼臂等資利奴陪泚
 幡舍能夜摩能波乃能資哆儻企邇奈勾
 四十二年春正月乙亥朔戊子天皇崩時年若
 干於是新羅王聞天皇既崩驚愁之貢上調船

八十艘及種種樂人八十是泊對馬而大哭到
 筑紫亦大哭泊于難波津則皆素服之悉捧御
 調且張種種樂器自難波至于京或哭泣或歌
 舞遂參會於殯宮也冬十一月新羅吊使等喪
 禮既闋而還之爰新羅人恒愛京城傍耳成山
 畝傍山則到琴引坂顧之曰宇泥咩巴椰弥弥
 巴椰是未習風俗之言語故訛畝傍山謂宇泥
 咩訛耳成山謂涿涿耳時倭飼部從新羅人聞

是辭而疑之以為新羅人通采女耳乃返之啓
 于大泊瀨皇子皇子則悉禁固新羅使者而推
 問時新羅使者啓之曰無犯采女唯愛京傍之
 兩山而言耳則知虛言皆原於是新羅人大恨
 更裁貢上之物色及舩數冬十月庚午朔己卯
 葬天皇於河內長野原陵

天皇崩於河內長野原陵
 葬天皇於河內長野原陵

穴穗天皇 安康天皇

穴穗天皇雄朝津間稚子宿禰天皇第二子也
一云第母曰忍坂大中姬命稚渟毛二岐皇子
二子也
之女也四十二年春正月天皇崩冬十月瘞禮
畢之是時太子行暴虐淫于婦女國人謗之群
臣不從悉隸穴穗皇子爰太子欲襲穴穗皇子
而密設兵穴穗皇子復興兵將戰故穴穗括箭
輕括箭始起于此時也時太子知羣臣不從百

姓乖違乃出之匿物部大前宿禰之家穴穗皇
子聞則圍之大前宿禰出門而迎之穴穗皇子
歌之曰於朋摩弊烏摩弊輸區塗餓訶那社加
礙訶區多智豫羅泥阿梅多知夜梅牟大前宿
禰峇歌之曰泚柳比等能阿由臂能古輸獲於
智珥岐等泚柳比等等豫牟佐社旃等茂由梅
乃啓皇子曰願勿害太子臣將議由是太子自
死于大前宿禰之家
一云流伊豫國
十二月己巳朔壬

日本書紀十三 十三

午穴穗皇子即天皇位尊皇后曰皇太后則遷
 都于石上是謂穴穗宮當是時大泊瀨皇子欲
 聘瑞齒別天皇之女等見諸記於是皇女等對
 曰君主恒暴強也儻忽念起則朝見者夕被殺
 夕見者朝被殺今妾等顏色不秀加以情性拙
 之若威儀言語如毫毛不似王意豈為親乎是
 以不能奉命遂遁以不聽矣

元年春二月戊辰朔天皇為大泊瀨皇子欲聘

大草香皇子妹幡梭皇女則遣坂本臣祖根使
 主請於大草香皇子曰願得幡梭皇女以欲配
 大泊瀨皇子爰大草香皇子對言僕頃患重病
 不得愈譬如物積船以待潮者然死之命也何
 足惜乎但以妹幡梭皇女之孤而不能易死耳
 今陛下不嫌其醜將蒲苻菜之數是甚之大恩
 也何辭命辱故欲呈丹心捧私寶名押木珠纒
 一云立纒又附所使臣根使主而敢奉獻願物
 云磐木纒

雖輕賤納為信契。於是根使主見押木珠纒感其麗美以爲盜爲已寶則詐之奏天皇曰大草香皇子者不奉命乃謂臣曰其雖同族豈以吾妹得爲妻耶。既而留纒入已而不獻於是天皇信根使主之讒言則大怒之起兵圍大草香天皇之家而殺之。是時難波吉師自香蚊父子並仕于大草香皇子共傷其君无罪死之則父抱王頸一子各執王足而唱曰吾君無罪以死之

吉或作去

妻

悲乎我父子三人生事之死不殉是不臣矣。即自刎之死於皇尸側軍衆悉流涕受取大草香皇子之毒中。蒂姬納于宮中因爲妃復遂喚惱梭皇女配大泊瀨王子是年也太歲甲午。二年春正月癸巳朔己酉立中蒂姬命爲皇后。甚寵也。初中蒂姬命生眉輪王於草香皇子。乃依母以得免罪常養宮中。三年秋八月甲申朔壬辰天皇爲眉輪王見弒。

辭具在大泊三年後乃葬菅原伏見陵

日本書記卷第十三 終

[Faint bleed-through text from the reverse side of the page]

日本書紀卷第十四

大泊瀨幼武天皇 雄略天皇

大泊瀨幼武天皇雄朝津間稚子宿禰天皇第

五子也天皇產而神光滿殿長而伉健過人三

年八月穴穗天皇意將沐浴幸干山宮遂登樓

考遊目因命酒兮肆宴爾乃情盤樂極間以言

談願謂皇右去來穗別天皇女曰中蒂姬皇女

皇子大草香皇子娶長田皇女生眉輪王也於後穴穗天皇用根臣以織叔大草香皇子而立中

帝姬皇女為皇右稱曰吾妹稱蓋汝雖親
 語在穴穗天皇細曰吾妹古之俗乎
 昵朕畏眉輪王幼年遊戲樓下悉聞所
 談既而穴穗天皇枕皇后膝晝醉眠卧於是眉
 輪王伺其熟睡而刺殺之是日木舍人闕姓駿
 言於天皇曰穴穗天皇為眉輪王見弑天皇大
 驚繪即猜兄等被甲帶刀卒兵自將逼問八鈞由
 彥皇子皇子見其欲害嘿坐不語天皇乃拔刀
 而斬更逼問坂合黑彥皇子皇子亦知將害嘿

坐不語天皇忿怒弥盛乃復并為欲殺眉輪王
 案劾所由眉輪王曰臣元不求天位唯報父仇
 而已坂合黑彥皇子深恐所疑竊語眉輪王遂
 共得間而出逃入圃大臣宅天皇使使乞之大
 臣以使報曰蓋聞人臣有事逃入王室未見君
 王隱匿臣舍方今坂合黑彥皇子與眉輪王深
 恃臣心來臣之舍誰忍送歟由是天皇復益興
 兵圍大臣宅大臣出立於庭索脚帶時大臣妻

持來脚帶テ愴矣カチヒ傷懷ニヤレシテ而歌曰ウタヒテ餒溺能古オホミ歎多倍
 能婆伽摩ナ嗚那ウ那ナ陛ヘ嗚シ絕レ你播ハ你陀ハ陀ハ始ハ諦テ阿
 遥比那ユ陀ヒ須暮ス大臣ニ裝束ヨソヒコト已畢ニ進軍テ門カ跪ツ拜カ曰ハ
 臣雖被戮ツミセラルト莫敢聽命テ古人有云オホキミト匹夫之志イハレト難可ヒト
 奪方ニ屬乎アツクニ臣伏願テ大王ハ奉獻テ臣女カ韓媛カラ與ヲ葛城
 宅ニ七區セツク請以贖罪アガハムヲ天皇不許テ縱火ツク燔宅ヲ於是大
 臣與黑彥ニ皇子ハ眉輪玉ニ俱被燔死レ時坂合部連
 贊宿祢ニ抱皇子屍ヲ而見燔死シ其舍人等ト闕名ト收レ

乳所燒遂難擇骨ニ盛之一棺ツ合葬ニ新漢ニ擬本ニ南
 立ニ蓋ニ是ト櫛ヲ乎ト詳ニ冬十月癸未ニ朔ニ天皇恨穴穗ト天皇
 曾欲ニ以市邊押盤ヲ皇子ヲ傳國ニ而遥付ニ囑後事ヲ乃
 使人於市邊押盤ニ皇子ヲ陽期ニ狡獵ヲ勸遊郊野ニ曰
 近江狹狹城山君韓佈ト言今於近江來田綿蚊
 屋野猪鹿多有其戴角類枯樹末其聚脚如弱
 木林呼吸氣息似於朝霧願與皇子孟冬作陰
 之月寒風肅然之晨將逍遙於郊野聊娛情以

日本紀十四
三
駢射市邊押磐皇子乃隨馳獵於是大泊瀨天
皇彎弓驟馬而陽呼曰猪有即射殺市邊押磐
皇子皇子帳內佐伯部賣輪賣輪仲仲抱屍駭駭不
解所由反側呼彌往還頭脚天皇尚誅之是月
御馬皇子以曾善三輪君身狹故思欲遺慮而
往不意道逢邀軍於三輪磐井側逆戰不父被
捉臨刑指井而詛曰此水者百姓唯得飲焉王
者獨不能飲矣十一月壬子朔甲子天皇命有

司設壇於泊瀨朝倉即天皇位遂定官焉以平
群臣真鳥為大臣以大伴連室屋物部連目為
大連

元年春三月庚戌朔壬子立菫香幡媛菫香幡媛皇女
為皇后更名橘姬是月立三妃元妃葛城圓大臣女
曰韓媛生白髮武廣國押稚日本根子天皇與
稚足姬皇女嬖名是皇女侍伊勢大神祠
次有吉備上道臣女稚媛本云告備生二男

長日盤城皇子少日星川稚宮皇子見下次有
 春日和珥臣深目女曰童女君生春日大娘皇
 女更名高橋童女君者本是采女天皇與一夜
 而服遂生女子天皇疑不養及女子行步天皇
 御大殿物部目大連侍焉女子過庭目大連願
 謂群臣曰麗哉女子古人有云娜毗騰耶此古語磨
 珥此古語徐步清庭者言誰女子天皇曰何故
 問耶目大連對曰臣觀女子行步容儀能似天

皇天皇曰見此者咸言如卿所尊然朕與一宵
 而服產女殊常由是生疑大連曰然則一宵喚
 幾迴乎天皇曰七迴喚之大連曰此娘子以清
 身意奉與一宵安輒生嫌疑他有潔臣聞易產
 腹者以禪觸體即便懷服况與終宵而妄生疑
 也天皇命大連以女子為皇女以母為妃是年
 也大歲丁酉
 二年秋七月百濟池津媛違天皇將幸媼於石

河楢舊本云石河天皇大怒詔大伴室屋大連

使來目部張夫婦四支於木置假殿上以火燒

死百濟新撰云巳巳年蓋國王立天皇遣阿禮

進於天皇冬十月辛未朔癸酉幸于吉野宮丙

子幸御馬瀨命虞人縱獵凌重瀨赴長恭未及

移影彌什七八每獵大獲鳥獸將盡遂旋憩乎

林泉相羊乎藪澤息行夫展車馬問羣臣曰獵

場之樂使膳夫割鮮何與自割羣臣忽莫能對

於是天皇大怒拔刀斬御者大津馬飼是日車

駕至自吉野宮國內居民咸皆振怖由是皇太

后與皇后聞之大懼使倭采女日媛舉酒迎進

天皇見采女面貌端麗形容温雅乃和顏悅色

曰朕豈不欲覩汝妍笑乃相携乎入於後宮語

太后曰今日遊獵大獲禽獸欲與羣臣割鮮野

饗歷問羣臣莫能有對故朕嗔焉皇太后知斯

詔情奉慰天皇曰群臣不悟陛下因遊獵場置

害人部降問群臣羣臣嘿然理且難對今貢未
 晚以我為初膳臣長野能作害膾願以此貢天
 皇跪禮而受曰善哉鄙人所云貴相知心此之
 謂也皇太后視天皇悅歡喜盈懷更欲貢人曰
 我之厨人免田御戸部真鋒田高天以此二人
 請將加貢為害人部自茲以後大倭國造吾子
 籠宿祿貢狹穗子鳥別為害人部臣連伴造國
 造又隨續貢是月置史戸河上舍人部天皇以

心為師誤殺入衆天下誹謗言大惡天皇也唯
 所愛寵史部身狹村主青檜隈民使博德等也
 三年其四月阿閉臣國見更名祿讚枿幡皇女
 與湯人廬城部連武彦曰武彦汗皇女而使任
 身湯人此武彦之父枳莒喻聞此流言恐禍及
 身誘卒武彦於廬城河偽使鸚鵡沒水捕魚因
 其不意而打殺之天皇聞遣使者案問皇女皇
 女對言妾不識也俄而皇女賚持神鏡詣於五

十鈴河上伺人不行埋鏡經死天皇疑皇女不

在恒使闇夜東西求覓乃於河上虹見如蛇四

五丈者堀虹起處而獲神鏡移行未遠得皇女

屍割而觀之腹中有物如水水中有石枳苜喻

由斯得雪子罪還悔殺子報殺國見逃匿石上

神宮

四年春二月天皇射獵於葛城山忽見長人來

望丹谷面貌容儀相似天皇天皇知是神猶故

問曰何處公也長人對曰現人之神先稱王諱

然後應導天皇答曰朕是幼武尊也長人次稱

曰僕是一事主神也遂與盤干遊田駘逐一鹿

相辭發箭並響馳駢言詞恭恪有若逢仙於是

日晚田罷神侍送天皇至來目水是時百姓咸

言有德天皇也秋八月辛卯朔戊申行幸吉野

宮庚戌幸于河上小野命真人駘獸欲躬射而

待虻疾飛來嗜天皇臂於是蜻蛉忽然飛來齧

蟲將去天皇嘉厥有心詔羣臣曰為朕讚蜻蛉
 歌賦之群臣莫能敢賦者天皇乃口號曰野磨
 等能鳴武羅能陀該你之之符湏登拖例柯舉
 能居登餒哀磨陞你麻鳴湏一本以餒哀磨陞
 枳能阿娛羅你陀陀伺一本以陀陀伺施都魔枳
 能阿娛羅你陀陀伺斯斯魔都登倭我伊麻西
 磨佐謂麻都登倭我陀陀西磨陀俱符羅爾阿

武柯枳都枳都曾能阿武鳴媯枳豆波野俱譬
 波賦武志謀餒哀枳湏你磨都羅符儼我柯陀
 播於柯武媯岐豆斯麻野麻登一本以婆賦武
 磨等能矩你難你於波武登蘇羅湏豆野因讚蜻
 蛉名此地為蜻蛉野

五年春二月天皇狩獵于葛城山靈鳥忽來其
 大如雀尾長曳地而且鳴曰努力努力俄而見
 逐噴猪從草中暴出逐入獵徒綠樹大懼天皇

詔舍人曰猛獸逢人則止宜逆射而且刺舍人
性懦弱緣樹失色五情無主噴猪直來欲噬天
皇天皇用弓刺止舉脚踏殺於是田罷欲斬舍
人舍人臨刑而作歌曰野須弥斯志倭我餒哀
枳弥能阿蕪磨斯志斯能宇拖枳舸斯固弥
倭我尼母能哀利志阿理鳴能宇倍能婆利我
曳陀阿西鳴皇后聞悲興感止之詔曰皇后不
與天皇而願舍人對曰國人皆謂陛下安野而

好獸無乃不可乎今陛下以噴猪故而斬舍人
陛下譬無異於豺狼也天皇乃與皇右上车歸
呼萬歲曰樂哉人皆獵禽獸朕獵得善言而歸
夏四月百濟加須利君蓋鹵王也飛聞池津媛之所
燔殺適統督也而籌議曰昔貢女人為采女而既
無禮失我國名自今以後不合貢女乃告其弟
軍君岨支也曰汝宜往日本以事天皇軍君對曰
上君命不可奉違願賜君婦而後奉遣加須利

君則以孕婦既嫁與軍君曰我之孕婦既當產
 月若於路產奠載一船隨至何處速令送國遂
 與辭訣奉遣於朝六月丙戌朔孕婦果如加須
 利君言於筑紫各羅嶋產兒仍名此兒曰嶋君
 於是軍君即以一船送嶋君於國是為武寧王
 百濟人呼此嶋曰主嶋也秋七月軍君入京既
 而有吾子百濟新撰云辛丑年蓋南王遣王
弟規支君向大倭侍天皇以脩特璽
之好也

六年春二月壬子朔乙卯天皇遊乎泊瀨小野
 觀山野之體勢慨然興感歌曰舉暮利矩能播
 都制能野磨播伊麻拖智能與慮斯企野磨和
 斯里底能與廬斯企夜磨能據暮利矩能播都
 制能夜麻播阿野休于羅虞波斯阿野休于羅
 虞波斯於是名小野曰道小野三月辛巳朔丁
 亥天皇欲使后妃親桑以勸蠶事爰命螺贏スカル
人名也此聚國內蚕於是螺贏誤聚嬰兒奉獻
云須我屢

天皇天皇大咲賜嬰兒於螺羸曰汝宜自養螺

羸即養嬰兒於官墻下仍賜姓為少子部連夏

四月吳國遣使貢獻

七年秋七月甲戌朔丙子天皇詔少子部連螺

羸曰朕欲見三諸岳神之形或云此山之神為

云菟田墨汝精力過人自行捉來螺羸答曰試

往捉之乃登三諸岳提取大虵奉示天皇天皇

不齋戒其雷虵虵目精赫赫天皇畏蔽日不見

却

却入殿中使放於岳仍改賜名為雷八月官者

吉備弓削部虛空取急歸家吉備下道臣前津

屋留使虛空經月不肯聽上京都天皇遣身毛

君大夫召焉虛空被召來言前津屋以小女為

天皇人以大女為己入競令相鬪見幼女勝即

拔刀而殺復以小雄雞呼為天皇雞拔毛剪翼

以大雄雞呼為己雞著鈴金距競令鬪之見禿

鷄勝亦拔刀而殺天皇聞是語遣物部兵士三

十人誅殺前津屋并族七十人。是歲吉備上道
 臣田狹侍於殿側。盛稱稚媛於朋友。曰：天下麗
 人莫若吾婦。茂矣。綽矣。諸好備矣。曄矣。温矣。種
 相足矣。鈿花弗御。蘭澤無加。曠世罕儔。當時獨
 秀者也。天皇傾耳遙聽。而心悅焉。便欲自求。稚
 媛為女御。并田狹為任那國司。俄而天皇幸稚
 媛。田狹臣娶稚媛而生。兄君弟君也。別本云。田狹者。葛城。藤原。彦子。玉田。宿禰之。女也。天皇聞體貌。開麗。殺夫。自執焉。田狹既之。

任所聞天皇之幸其婦。思欲求援而入新羅。于
 時新羅不事中國。天皇詔田狹臣子弟君與吉
 備海部直赤尾曰：汝宜往。罰新羅。於是西漢才
 伎歡。因知利在側。乃進而奏曰：巧於奴者多在
 韓國。可召而使。天皇詔群臣曰：然則宜以歡。因
 知利副弟君等。取道於百濟。并下勅書。令獻巧
 者。於是弟君銜命。率衆行到百濟。而入其國。國
 神化為老女。忽然逢路。弟君就訪。國之遠近。老

女報言復行一日而復可到弟君自思路遠不
 伐而還集聚百濟所貢今來才伎於大嶋中託
 稱候風淹留數月任那國司用狹臣乃嘉弟君
 不伐而還密使人於百濟戒弟君曰汝之領項
 有何罕錮而伐人乎傳聞天皇幸吾婦遂有兒
 息兒息已見上今恐禍及於身可躡足待吾兒汝者
 跨據百濟勿使通於日本吾者據有任那亦勿
 通於日本弟君之婦樟媛國家情深君臣義切

日本書紀十四

十三

忠踰白日節冠青松惡斯謀叛盜殺其夫隱埋
 室內乃與海部直赤尾將百濟所獻手末才伎
 在大嶋天皇聞弟君不在遣日鷹吉士堅磐固
 安錢堅磐此云柯陀之波使共復命遂即安置於倭國吾
 礪廣津邑而病死者衆廣津此云比盧岐頭由是天皇詔
 大伴大連室屋命東漢直掬以新漢陶部高貴
 鞍部堅貴盡部因斯羅我錦部定安那錦譯語
 郊安那等遷居干上桃原下桃原真神原三所

或本云吉備臣弟君還自百濟
獻漢手以部衣縫部害人部
皆不讀部上同之

八年春二月遣身狹村主青檜隈民使博德使

於具國自天皇即位至于是歲新羅國皆誕昔

苴不入於今八年而大懼中國之心脩好於高

麗由是高麗王遣精兵一百人守新羅有頃高

麗軍士一人取假歸國時以新羅人為典馬典馬

此云于而顧謂之曰汝國為吾國所破非久矣

一本云汝國果其曲馬聞之陽患其腹退而在
成吾土非久矣

後遂逃入國說其所語於是新羅王乃知高麗

偽守遣使馳告國人曰人殺家內所養鷄之雄

者國人知意盡殺國內所有高麗人惟有遺高

麗一人乘間得脫逃入其國皆具為說之高麗

王即發軍兵出聚筑足流城或本云都城遂歌舞

興樂於是新羅王夜聞高麗軍四面歌舞知賊

盡入新羅地乃使人於任那王曰高麗王征伐

我國當此之時若綴旒然國之危殆過於累卵

命之脩短大所不計伏請救於日本府行軍元帥等由是任那王勸膳臣班鳩班鳩此云吉備伊柯屢餓吉備臣小梨難波吉士赤目子往救新羅膳臣等未至營止高麗諸將未與膳臣等相戰皆怖膳臣等乃自力勞軍令軍中促為攻具急進攻之與高麗相守十餘日乃夜鑿險為地道悉過輜車設奇兵會明高麗謂膳臣等為遁也悉軍來追乃縱奇兵步騎夾攻大破之二國之悉自此而

生言二國者高麗新羅也膳臣等謂新羅曰汝以至弱當至強官軍不救必為所乘將成人地殆於此役自今以後豈背天朝也

九年春二月甲子朔遣九河内直香賜與采女祠胸方神香賜與采女既至壇所香賜此云及舸拖夫將行事齎其采女天皇聞之曰祠神祈福可不慎歟乃遣難波日鷹吉士將誅之時香賜即逃已不在天皇復遣弓削連豐穗普求國內縣遂

於三嶋郡藍原執而斬焉三月天皇欲親伐新
 羅神戒天皇曰無往也天皇由是不果行勅紀
 小弓宿祢蘇我韓子宿祢大伴談連談此云小
 鹿火宿祢等曰新羅自居西土累葉稱臣朝聘
 無違貢職允濟逮乎朕之王天下投身對馬之
 外竄跡匝羅之表阻高麗之貢吞百濟之城况
 復朝聘既闕貢職莫脩狼子野心飽飛飢附以
 汝四卿并爲大將宜以王帥薄伐天四言龔行於

是紀小弓宿祢使大伴室屋大連憂陳於天皇
 曰臣雖拙弱敬奉勅矣但今臣婦命過之際莫
 能視養臣者公與將此事具陳天皇於是大伴
 室屋大連具爲陳之天皇聞悲頽歎以吉備上
 道采女大海賜於紀小弓宿祢爲隨身視養遂
 推轂以遣焉紀小弓宿祢等即入新羅行屠傍
 郡行屠並擊新羅王夜聞官軍四面鼓聲知盡得
 喙地與數百騎馬軍亂走是以大敗小弓宿祢

追斬敵將陣中，喙地悉定，遺衆不下。紀小弓宿
祿亦收兵，與大伴談連等會兵，復大振，與遺衆
戰。是夕，大伴談連及紀齒前來，目連皆力鬪而
死。談連從人同姓津麻呂，後入軍中，尋覓其主。
從軍覓出，問曰：「吾主大伴公何處在也？」人告之
曰：「汝主等果爲敵手所殺，指示屍處。」津麻呂聞
之，踏叱曰：「主旣已陷，何用獨全？因復赴敵，同時
殞命，有頃遺衆自退，官軍亦隨而却。」大將軍紀

小弓宿祿值病而薨。夏五月，紀大磐宿祿聞父
旣薨，乃向新羅，執小鹿火宿祿所掌兵馬船官
及諸小官，專用威命。於是小鹿火宿祿深悉乎
大磐宿祿，乃詐告於韓子宿祿曰：「大磐宿祿謂
僕曰：『我當復執韓子宿祿所掌之官，不久也。願
固守之。』由是韓子宿祿與大磐宿祿有隙。於是
百濟王聞日本諸將緣小事有隙，乃使人於韓
子宿祿等曰：『欲觀國場，請垂降臨。』是以韓子宿

祢等並轡而往及至於河大擊宿祢飲馬於河
是時韓子宿祢從後而射大擊宿祢鞍瓦後橋
大擊宿祢愕然反視射隨韓子宿祢於中流而
死是三臣由前相競行亂於道不及百濟王宮
而却還矣於是采女大海從小弓宿祢喪到來
日本遂憂諮於大伴室屋大連曰妾不知葬所
願占良地大連即為奏之天皇勅大連曰大將
軍紀小弓宿祢龍驤虎視旁眦八維掩討逆節

折衝四海然則身勞萬里命墜三韓宜致哀矜
亮視喪者又汝大伴卿與紀卿等同國近隣之
人由來尚矣於是大連奉勅使土師連小鳥作
家墓於田身輪邑而葬之也由是大海欣悅不
能自默以韓奴室兄磨弟磨御倉小倉針六口
送大連吉備上道蚊嶋田邑家人部是也別小
鹿火宿祢從紀小弓宿祢喪來時獨留甬國使
倭子連何姓未詳奉八咫鏡於大伴大連而祢請

曰僕不堪共紀タカシ 姻奉事天朝ニ 故請留住角國ニ 是以大連為奏於天皇使留居于角國是角臣等初居角國而名角臣自此始也秋七月壬辰朔河內國言飛鳥戶郡人田邊史伯孫女者古市郡人晝首加龍之妻也伯孫聞女產兒往賀聳家而月夜還於蓬藁立譽田陵下蓬藁此云伊致寤始逢 騎赤駿者其馬時濩略而龍驚欲奪擢而鴻驚異體蓬生殊相逸發伯孫就視而心欲之乃鞭

所乘駿馬齊頭並轡爾乃赤駿超擗絕於埃塵キヌケクタルキリクモニ 驅驅驚迅於滅沒於是駿馬後而怠足不可復追其乘駿者知伯孫所欲仍停換馬相辭取別伯孫得駿甚歡驟而入廐解鞍秣馬眠之其明且赤駿變為土馬伯孫心異之還覓譽田陵乃見駿馬在於土馬之間取而代而置所換土馬十年秋九月乙酉朔戊子身狹村主青將吳所獻二駝到於筑紫是駝為水間君犬所醫死別

云是鵝為筑紫^{筑紫}縣^縣由是水間君恐怖憂愁不能自默^能獻^獻鴻十侯與養鳥人請以贖罪^{贖罪}天皇許焉冬十月乙卯朔辛酉以水間君所獻養鳥人等安置於輕村^{輕村}磐余村^{磐余村}二所

十一年夏五月辛亥朔近江國栗太郡言白鷗^鷗鷄居于谷上濱因詔置川瀨舍人秋七月有從百濟國^{百濟國}逃化來者自稱名曰貴信^{貴信}又稱貴信吳國人也^{吳國人也}磐余吳琴彈壇手屋形麻呂等是其後

也冬十月鳥官之禽為菟田人狗所齧死^天皇^皇瞋^瞋黥^黥面而為鳥養部於是信濃國直丁與武藏國直丁侍宿相謂曰嗟乎我國積鳥之高同於小墓且暮而食尚有其餘今天皇由一鳥之故而黥人面太無道理惡行之主也天皇聞而使聚積之直丁等不能忽備仍詔為鳥養部

十二年夏四月丙子朔己卯身狹村主青與檜隈民使博德出使于吳冬十月癸酉朔壬午天

皇命木上鬪鷄御田一本云猪名部始起樓閣

於是御田登樓疾走四方有若飛行時有伊勢

采女仰觀樓上恠彼疾行顛仆於庭覆所擊饌

饌者御膳之物也天皇便疑御田姦其采女自念將刑

而付物部時秦酒公待坐欲以琴聲使悟於天

皇橫琴彈曰柯武柯噬能伊制能伊制能奴能

娑柯曳鳴伊哀甫流柯枳底志我都矩屢麻泥

爾飯哀枳涿爾柯拖俱都柯陪麻都羅武騰倭

我伊能致謀那我俱母馘騰伊比志拖俱弥皤
夜阿拖羅陀俱弥皤夜於是天皇悟琴聲而赦
其罪

十三年春三月狹穗彥玄孫齒田根命竊姦采

女山邊小嶋子天皇聞以齒田根命收付於物

部目大連而使責讓齒田根命以馬八匹大刀

八口殺除罪過既而歌曰耶麼能謎能故思麼

古喻衛爾比登涅羅賦字麼能耶都擬播鳴思

稽矩謀那斯日，大連聞而奏之。天皇使齒田根命資財露置於餌香市邊橘本之土，遂以餌香長野邑賜物部。日大連秋八月播磨國御井隈人文石小麻呂有力，強心肆行暴虐，路中抄劫不使通行。又斷商客船，悉以奪取兼違國法。不輸租賦，於是天皇遣春日小野臣大樹領敢死士一百，並持火炬圍宅而燒。時自火炎中白狗暴出，逐大樹，臣其大如馬。大樹臣神色不變。

按刀斬之，即化為文石。小麻呂秋九月木工猪名部真根以石為質，揮斧斷材，終日斲之，不誤。傷刃天皇遊詣其所，而恠問曰：恒不誤，中石耶？真根荅曰：竟不誤矣。乃喚集采女，使脫衣裙而著犢鼻露所，相撲於是。真根暫停仰視而斲，不覺手誤傷刃。天皇因噴讓曰：何處奴不畏朕用，不負心妄輒荅，仍付物部使刑於野。爰有同伴巧者，歎惜真根而作歌曰：姁拖羅斯枳偉，難謎。

能陀俱弥柯該志須弥儻音自我那稽摩拖例
 柯柯該武預姁拖羅須弥儻音天皇聞是歌反
 生悔惜喟然頽歎曰幾失人哉乃以赦使乘於
 甲斐黑駒馳詣刑所止而赦之用解徽纒復作
 歌曰農播拖磨能柯彼能矩盧古磨矩羅枳制
 播伊能致志儻磨志柯彼能俱盧古磨一本伊能致
志儻磨志而云伊志柯瑪阿羅磨志
 十四年春正月丙寅朔戊寅身狹村主青茅共

纒

吳國使將吳所獻手未才伎漢織吳織及衣縫
 兄媛弟媛等泊於住吉津是月為吳客道通磯
 齒津路名吳坂三月命臣連迎吳使即安置吳
 人於檜隈野因名吳原以衣縫兄媛奉大三輪
 神以弟媛為漢衣縫部也漢織吳織衣縫是飛
 鳥衣縫部伊勢衣縫之先也夏四月甲午朔天
 皇欲設吳人歷問群臣曰其共食者誰好乎羣
 臣僉曰根使主可天皇即命根使主為共食者

遂於石上高拔原饗吳人時密遣舍人視察饗
 飭舍人復命曰根使主所著玉纒大貴冢好又
 衆人云前迎使時又亦著之於是天皇欲自見
 命臣連裝如饗之時引見殿前皇后仰天歎歎
 啼泣傷哀天皇問曰泣耶皇后避床而對曰此
 玉纒者昔妾兄大草香皇子奉穴穗天皇勅進
 妾於陛下時爲妾所獻之物也故致疑於根使
 主不覺涕垂哀泣矣天皇聞驚大怒深責根使

主對言死罪死罪實臣之愆詔根使主自今以
 後子子孫孫八十聯綿莫預羣臣之例乃將斬
 之根使主逃匿至於日根造稻城而待戰遂爲
 官軍見殺天皇命有司二分子孫一分爲大草
 香部民以封皇后一分賜茅渟縣主爲負囊者
 即求難波吉士日香香子孫賜姓爲大草香部
 吉士其日香香等語在穴穗天皇紀事平之後
 小根使主小根使主根使主子也夜卧謂人曰天皇城不

堅我父城堅天皇傳聞是語使人見根使主宅
實如其言故收殺之根使主之後爲坂本臣自
是始焉

十五年秦民分散臣連等各隨欲駭使勿委秦

造由是秦造酒甚以爲憂而仕於天皇天皇愛

寵之詔聚秦民賜於秦酒公公仍領率百八十

種勝奉獻庸調御調也縮練充積朝廷因賜姓

曰禹豆麻佐部拾遺本四第ノ多リモノニシテ和學ノ多リモノニシテ

十六年秋七月詔宜桑國縣殖桑又散遷秦民

使獻庸調冬十月詔聚漢部定其伴造者賜姓

曰直一本云賜漢使主等賜姓曰直

十七年春三月丁丑朔戊寅詔土師連等使進

應盛朝夕御膳清器者於是土師連祖吾筭仍

進攝津國來狹狹村山背國內村俯見村伊勢

國藤形村及丹波但馬因幡私民部名曰贄土

師部

十八年秋八月己亥朔戊申遣物部菟代宿禰
 物部目連以伐伊勢朝日即朝日即聞官軍至
 即逆戰於伊賀青臺自矜能射謂官軍曰朝日
 即手誰人可中也其所發箭穿二重甲官軍皆
 懼菟代宿禰不敢進擊相持二日一夜於是物
 部目連自執太刀使筑紫門物部大斧手執楯
 叱於軍中俱進朝日即乃遙見而射穿大斧手
 楯二重甲并入身肉一寸大斧手以楯醫物部

目連目連即獲朝日即斬之由是菟代宿禰羞
 愧不克七日不復命天皇問侍臣曰菟代宿禰
 何不復命爰有讚岐田虫別進而奏曰菟代宿
 禰怯也二日一夜之間不能擒執朝日即而物
 部目連率筑紫門物部大斧手獲斬朝日即矣
 天皇聞之怒輒奪菟代宿禰所有猪名部賜物
 部目連

十九年春三月丙寅朔戊寅詔置穴穗部

二十年冬高麗王大發軍兵伐盡百濟爰有少許遺衆聚居倉下兵糧既盡憂泣茲深於是高麗諸將言於王曰百濟心許非常臣每見之不覺自失恐更蔓生請遂除之王曰不可矣寡人聞百濟國者日本國之官家所由來遠久矣又王入仕天皇四隣之所共識也遂止之百濟記云蓋函

主乙卯年冬伯大軍來攻大城七日七夜王城降陷遂失射禮國王及大右王子等皆沒敵手

二十一年春三月天皇聞百濟為高麗所破以

久麻那利賜汝泐王救與其國時人皆云百濟國雖屬既亡聚憂倉下實賴於天皇更造其國汝泐王蓋函王母弟也日本舊記云以久麻那利賜沫多王蓋是誤也久麻那利者任那國下多呼利聯之別邑也

二十二年春正月己酉朔以白髮皇子為皇太子秋七月丹波國餘社郡管川人水江浦嶋子乘舟而釣遂得大龜便化為女於是浦嶋子感以為婦相逐入海到蓬萊山歷觀仙衆語在別

卷

二十三年夏四月百濟文介王薨天皇以昆支
 王五子中第二末多王幼年聰明勅喚內裏親
 撫頭面試勅慰使王其國仍賜兵器并遣筑
 紫國軍士五百人衛送於國是為東城王是歲
 百濟調賦益於常例筑紫安致臣馬飼臣等率
 船師以擊高麗秋七月辛丑朔天皇寢疾不預
 詔賞討支度事無巨細並付皇太子八月庚午

朔丙子天皇疾弥甚與百寮辭訣握手歔欷崩
 于大殿遺詔於大伴室屋大連與東漢掬直曰
 方今區宇一家烟火萬里百姓艾安四夷賓服
 此又天意欲寧區夏所以小心勵已日慎一日
 蓋為百姓故也臣連伴造每日朝參國司郡司
 隨時朝集何不罄竭心府誠勅慰勲義乃君臣
 情兼父子庶籍臣連智力內外歡心欲令普天
 之下永保安樂不謂遘疾弥留至於大漸此乃

人生常分何足言及但朝野衣冠未得鮮麗教化政刑猶未盡善與言念此唯以留恨今年踰若干不復稱天筋力精神一時勞竭如此之事本非爲止欲安養百姓所以致此生子孫誰不屬念既爲天下事須割情今星川王心懷悖惡行闕友于古人有言知臣莫若君知子莫若父縱使星川得志共治家國必當戮辱遍於臣連酷毒流於民庶夫惡子孫已爲百姓所憚好子

孫足堪負荷大業此雖朕家事理不容隱大連等民部廣大充盈於國皇太子地居上嗣仁孝著聞以其行業堪成朕志以此共治天下朕瞑目何所復恨一本云星川王腹惡心麤天下蒼等民部甚多努力相助勿令侮慢是時征新羅將軍吉備臣尾代行至吉備國過家後所率五百蝦夷等聞天皇崩乃相謂之曰領制吾國天皇既崩時不可失也乃相聚結侵寇傍郡於是尾代從家來會

日本紀

三十一

蝦夷於婆娑水門合戰而射蝦夷等或踊或伏
 能避脫箭終不可射是以尾代空彈弓弦於海
 濱上射死踊伏者二隊二橐之箭既盡即喚船
 人索箭船人恐而自退尾代乃立弓執末而歌
 曰涿致你阿賦耶鳴之慮能古阿每你舉魯枳
 舉曳儒阿羅每矩你你播枳舉曳底那唱訖自
 斬數人更追至丹波國浦掛水門盡逼殺之
 云追至浦掛
 遣人盡殺身多

日本書紀卷第十四

終

整字一覽

日本書紀卷第十四

